



მოქალაქის
გზამკვლევი
2026

ქედის მუნიციპალიტეტის 2026 წლის ბიუჯეტის პროექტის მოქალაქის გზამკვლევი

ქედის მუნიციპალიტეტის მოკლე აღწერა

ქედის მუნიციპალიტეტი მდებარეობს საქართველოში და შედის აჭარის ავტონომიური რესპუბლიკის შემადგენლობაში. მას ჩრდილო-აღმოსავლეთით ქობულეთის მუნიციპალიტეტი, აღმოსავლეთით შუახევის მუნიციპალიტეტი, დასავლეთით ხელვაჩაურის მუნიციპალიტეტი და სამხრეთით თურქეთის რესპუბლიკა ესაზღვრება.

მუნიციპალიტეტის საერთო ფართობი 452 კვ კმ-ია. მოსახლეობის რაოდენობა - 21 244. ქედის

მუნიციპალიტეტში შედის 10 საკრებულო და 64 დასახლებული პუნქტი. ადმინისტრაციული ცენტრი დაბა ქედაა, რომელიც ზღვის დონიდან 200 მეტრის სიმაღლეზე მდებარეობს. ყველაზე მაღალი მწვერვალია ყანლი (2 987 მეტრი).



ქედა გამოირჩევა ყურძნის უნიკალური ჯიშებით. რაიონში წარმოებული ღვინოები „ქედის ცოლიკოური“ და „ჩხავერი“ დიდი პოპულარობით სარგებლობს. მოწყობილია ღვინის მარნები (მ. შერვაშიძე - სოფ. პირველი მაისი, ლადო შავიშვილი - სოფ. ვაიო, ნური სირაბიძე - სოფ. გეგელიძეები). სოფლის მეურნეობაში წამყვანი საქმიანობებია მეთევზეობა, მებოსტნეობა, მეთამბაქოეობა, მევენახეობა, მეთხილეობა და მეფუტკრეობა. ქედის მუნიციპალიტეტის ტერიტორიაზე მოიპოვება გვხვდება ფერადი ლითონების სპილენძ-პოლიმეტალების საბადოები. განსაკუთრებით აღსანიშნავია მერისის სპილენძისა და ტყვიის საბადო, ოქროს შემცველი ქანები.



მუნიციპალიტეტი მდიდარია სხვადასხვა ბუნებრივი წიაღისეულით - სპილენძისა და ოქროს საბადოებით (მერისი, ვაიო). სამკურნალო და მინერალური წყლებიდან აღიარებულია „კოკოტაურისა“ და „გუნდაურის“ წყლები. „კოკოტაურს“ მინიჭებული აქვს საერთაშორისო სერთიფიკატი.

ისტორიული მემკვიდრეობიდან გამოირჩევა მატერიალური კულტურის ძეგლები: სათვალთვალო კოშკები - კავიანი, გულები, ძენწმანი, საღორეთი, ცივასულა. ქვის თაღოვანი ხიდები - მახუნცეთი, პირველი მაისი, წონიარისი, დანდალო. ციხეები - ზენდიდი, ცივასულა.

ფუნქციონირებს ისტორიული მუზეუმი, სადაც თავმოყრილია ეთნოგრაფიული და ისტორიული კულტურის მასალები.

ქედის მუნიციპალიტეტის გერბის აღწერილობა

გერბის ფარი გაკვეთილია და იყოფა ორ ნაწილად. I ნაწილი – მეწამული ველის თავში მოთავსებულია ჰერალდიკური ოქროს ჯვარი, მის ქვემოთ ოქროს ხიდი, რომლის კიდეები ეხება ველის მარჯვენა და მარცხენა კიდეებს, ხიდის ქვემოთ სამი შემცირებული ოქროს სარტყელი. II ნაწილი – ზურმუხტოვან ველზე ოქროს ვაზი ფესვებით, სამი ნაყოფით (ყურძნის მტევნით) და სამი ფოთლით.



გერბის ფარს ზემოთ მოთავსებულია საქალაქო ვერცხლის გვირგვინი – სამკოშკიანი ქონგურებიანი გალავანი (ციხესიმაგრის ფორმის) ნახევრად ღია ჭიშკრით.

ფარს ქვემოთ მოთავსებულია გერბის დევიზის ვერცხლ-მეწამული ბაბთა, რომლის ვერცხლის ველზე შავად ჩაწერილია დევიზი „ქედა“.

ქედის მუნიციპალიტეტის დროშის აღწერილობა



დროშა ვერტიკალურადაა გაყოფილი მეწამულ და მწვანე ველებად. მეწამული ველის ზედა ნაწილში გამოსახულია ჰერალდიკური ოქროს ჯვარი, რომელიც ზომით დროშის სიმაღლის 2/7-ია და ზედა კიდეს დაშორებულია 1/7-ით. დროშის პროპორციაა 2:3.

მოსახლეობა

წლები ^[6]	<u>1959 წ.</u>	<u>1970 წ.</u>	<u>1979 წ.</u>	<u>1989 წ.</u>	<u>2002 წ.</u>	<u>2014 წ</u>	<u>2024 წ</u>
მოსახლეობა	17 204	▲ 19 065	▲ 19 232	▲ 19 928	▲ 20 024	▼ 16 760	▼ 16 346

შესავალი

ბიუჯეტის გზამკვლევის შემუშავება ეხმარება მოქალაქეს მარტივ, მისთვის გასაგებ ენაზე მიიღოს ინფორმაცია მუნიციპალიტეტში წლის განმავლობაში დაგეგმილი ინფრასტრუქტურული, სოციალური, საგანმანათლებლო და სხვა სახის პროექტებისა და ღონისძიებების შესახებ. გზამკვლევაში მოცემული ინფორმაცია წარმოადგენს თვითმმართველობის აღმასრულებელი ხელისუფლების მიერ დაგეგმილი ღონისძიებების მოკლე აღწერას და წარმოაჩენს მათ მიზნობრიობას.

იმისათვის, რომ მოქალაქემ შეძლოს საბიუჯეტო პროცესებში ჩართვა, პირველ რიგში, უნდა იცოდეს, როდის იწყება ბიუჯეტზე მუშაობა და თავად რა ფორმით შეუძლია ჩაერთოს ამ პროცესში.

თქვენ, მოქალაქეებს უფლება გაქვთ!

პრიორიტეტების დოკუმენტისა და ბიუჯეტის პროექტის მომზადების ეტაპზე 1 მარტიდან - 15 ნოემბრამდე	ბიუჯეტის პროექტის განხილვის პროცესში 15 ნოემბრიდან 31 დეკემბრამდე	ბიუჯეტის შესრულებისა და ანგარიშგების ეტაპზე 1 იანვრიდან
- ჩაერთოთ საჭიროებათა გამოვლენაში; - მონაწილეობა მიიღოთ პრიორიტეტების შერჩევის მიზნით ჩატარებულ გამოკითხვებში; - დაესწროთ საჯარო შეხვედრებს; - მომზადდეთ და საკრებულოში წარადგინოთ პეტიცია; - წერილობითი ან ზეპირი ინიციატივით მიმართოთ ადგილობრივ ხელისუფლებას და მოითხოვოთ ბიუჯეტში თქვენთვის მნიშვნელოვანი საკითხების გათვალისწინება;	- გაეცნოთ მერიის მიერ საკრებულოში წარდგენილ ბიუჯეტის პროექტს; - მონაწილეობა მიიღოთ ბიუჯეტის საჯარო განხილვებში და შეკითხვით მიმართოთ თვითმმართველობის თანამდებობის პირებს; - დაესწროთ ბიუჯეტის განხილვის პროცესს საკრებულოსა და საკრებულოს კომისიებში;	- მონიტორინგი გაუწიოთ ადგილობრივი ბიუჯეტის ხარჯვას და გამოითხოვოთ საჭირო დოკუმენტები მუნიციპალიტეტის შესაბამისი სამსახურებიდან; - გაეცნოთ ბიუჯეტის შესრულების კვარტალურ და წლიურ ანგარიშებს; - დაესწროთ მერიისა და საკრებულოს დეპუტატების მიერ ანგარიშის ჩაბარებას;

ტერმინთა განმარტება

- ბიუჯეტი** - საქართველოს ცენტრალური, ავტონომიური რესპუბლიკებისა და ადგილობრივი ხელისუფლებების ფუნქციებისა და ვალდებულებების შესრულების

მიზნით მისაღები შემოსულობების, გასაწევი გადასახდელებისა და ნაშთის ცვლილების ერთობლიობა, რომელიც დამტკიცებულია საქართველოს ცენტრალური, ავტონომიური რესპუბლიკებისა და ადგილობრივი ხელისუფლებების შესაბამისი ორგანოების მიერ;

- **დამტკიცებული ბიუჯეტი** – შესაბამისი ხელისუფლების წარმომადგენლობითი ორგანოს მიერ დამტკიცებული სახელმწიფო, ავტონომიური რესპუბლიკის რესპუბლიკური ან ადგილობრივი თვითმმართველი ერთეულის ბიუჯეტი;
- **დაზუსტებული ბიუჯეტი** – კორექტირებული სახელმწიფო, ავტონომიური რესპუბლიკის რესპუბლიკური ან მუნიციპალიტეტის ბიუჯეტი;
- **ასიგნება** – საბიუჯეტო წლის განმავლობაში ბიუჯეტით გათვალისწინებული მოცულობის ფარგლებში გადახდის განხორციელების უფლებამოსილება;
- **პრიორიტეტი** – საქართველოს სახელმწიფო, ავტონომიური რესპუბლიკების რესპუბლიკური და ადგილობრივი თვითმმართველი ერთეულების ბიუჯეტებით გათვალისწინებული ასიგნებების ძირითადი მიმართულება, რომლის ფარგლებშიც მხარჯავი დაწესებულებები/საბიუჯეტო ორგანიზაციები ახორციელებენ პროგრამებს/ქვეპროგრამებს. პრიორიტეტის ფარგლებში შესაძლებელია ასევე გათვალისწინებულ იქნეს სხვადასხვა საბიუჯეტო ორგანიზაციის ფუნქციონირებისათვის საჭირო ღონისძიებები;
- **პროგრამული ბიუჯეტი** – ასიგნებები გამოიყოფა მხარჯავი დაწესებულებების და მათ მიერ განსახორციელებელი პროგრამების/ქვეპროგრამების მიხედვით. პროგრამული ბიუჯეტის ძირითადი პრინციპია სახელმწიფო სახსრების მიმართვა წინასწარ განსაზღვრული შედეგების მისაღწევად, რისი გათვალისწინებითაც პროგრამული ბიუჯეტი ხშირად შედეგებზე ორიენტირებული ბიუჯეტის სახელითაა მოხსენიებული; პროგრამული ბიუჯეტის მიზანია სახელმწიფო ხარჯების ეფექტურობის ამაღლება, სახელმწიფო სექტორის დაწესებულებების დაფინანსებისა და მათ მიერ მიღწეული შედეგების ურთიერთკავშირის გაძლიერება. გარდა მხარჯავი დაწესებულებების მიერ განსახორციელებელი პროგრამებისა და ქვეპროგრამებისა, საბიუჯეტო კოდექსით განსაზღვრულია საერთო-სახელმწიფოებრივი მნიშვნელობის გადასახდელები.
- **პროგრამა** – ბიუჯეტით განსაზღვრული პრიორიტეტების მიზნების მისაღწევად განსახორციელებელი ღონისძიებების ერთობლიობა, რომლებიც დაჯგუფებულია მსგავსი შინაარსის მიხედვით, ხორციელდება ერთი საბოლოო შედეგის მისაღწევად და რომელთა განხორციელებისთვის პასუხისმგებელია ერთი მხარჯავი დაწესებულება;

- **ქვეპროგრამა** - მხარჯავი დაწესებულების პროგრამის ფარგლებში საბიუჯეტო ორგანიზაციის მიერ განსახორციელებელი ღონისძიებების ერთობლიობა;
- **პროფიციტი** - თუ ბიუჯეტის დაგეგმილი შემოსავალი აჭარბებს გასავალ ნაწილს, მაშინ საუბრობენ საბიუჯეტო პროფიციტზე;
- **დეფიციტი** - თუ ბიუჯეტის დაგეგმილი გასავალი აჭარბებს შემოსავალ ნაწილს, მაშინ საუბრობენ საბიუჯეტო დეფიციტზე.
- **მხარჯავი დაწესებულება** - ბიუჯეტის პროგრამულ კლასიფიკაციაში პირველი თანრიგით გათვალისწინებული საბიუჯეტო ორგანიზაცია.
- **საბიუჯეტო ორგანიზაცია** - მხარჯავი დაწესებულება ან/და ბიუჯეტით გათვალისწინებული პროგრამების/ქვეპროგრამების ფარგლებში თანხის განკარგვის უფლებამოსილების მქონე ორგანიზაცია, რომელიც ახორციელებს საკუთარი ბიუჯეტის პროექტის მომზადებას, ბიუჯეტის შესრულებასა და ანგარიშგებას დადგენილი ნორმების, პროცედურების და წესების თანახმად.

რა არის ბიუჯეტი?

ბიუჯეტი არის განსაზღვრული პირის (ოჯახის, ბიზნესის, ორგანიზაციის, სახელმწიფოს და ა.შ.) შემოსავლებისა და გასავლების ჩამონათვალი, რომელიც განისაზღვრება კონკრეტული დროის პერიოდით.

მუნიციპალიტეტის ბიუჯეტი წარმოადგენს მუნიციპალიტეტის მთავარ ფინანსურ დოკუმენტს და ის არ მოიცავს ინფორმაციას მხოლოდ შემოსავლების და ხარჯების შესახებ. ფინანსური ინფორმაციის გარდა ბიუჯეტში აღწერილია ის ძირითადი პრიორიტეტები, რომლის შესრულებასაც მუნიციპალიტეტი გეგმავს შესაბამისი პროგრამებითა და ქვეპროგრამებით. პრიორიტეტის დოკუმენტი არის ადმინისტრაციული ერთეულების განვითარების ძირითადი გეგმა, რომელიც ასახავს ინფორმაციას საშუალოვადიანი სამოქმედო გეგმის შესახებ

საქართველოს საბიუჯეტო სისტემის ძირითადი პრინციპებია


- **ყოვლისმომცველობა** - ბიუჯეტის ყველა შემოსულობის, გადასახდელის და ნაშთის ცვლილების სრულყოფილად ასახვა შესაბამის ბიუჯეტში;
- **გამჭვირვალობა** - ბიუჯეტის პროექტის წარმომადგენლობით ორგანოებში განხილვის პროცედურების საჯაროობა, ბიუჯეტის და მისი შესრულების ანგარიშების გამოქვეყნება, ინფორმაციის ხელმისაწვდომობა;

- **ანგარიშვალდებულება** - საბიუჯეტო პროცესის ყველა მონაწილის პასუხისმგებლობა მის მიერ განხორციელებულ საქმიანობაზე და ბიუჯეტის შესახებ წარდგენილ ინფორმაციაზე;
- **დამოუკიდებლობა** - ყველა დონის ბიუჯეტის დამოუკიდებლობა;
- **ერთიანობა** - ერთიანი საბიუჯეტო კლასიფიკაციით, აღრიცხვის ერთიანი სისტემით, სახელმწიფო ფინანსური კონტროლის ერთიანი პირნციპებით ხელმძღვანელობა ყველა დონის ბიუჯეტისათვის;
- **უნივერსალობა** - ბიუჯეტის ყველა შემოსულობის მიმართვა საერთო გადასახდელების დასაფინანსებლად;
- **კონსოლიდირება** - სახელმწიფო ხაზინის ერთიანი ანგარიშის სისტემა;

საბიუჯეტო პროცესი

მუნიციპალიტეტის ბიუჯეტის პროექტის მომზადების, საკანონმდებლო ორგანოსათვის წარდგენის და დამტკიცების პროცედურები რეგულირდება საქართველოს საბიუჯეტო კოდექსის XII თავით. ბიუჯეტის პროექტის მომზადების პროცესს კოორდინაციას უწევს მუნიციპალიტეტის საფინანსო ორგანო, რომელიც ამ პროცესში ხელმძღვანელობს მოქმედი კანონმდებლობითა და საქართველოს ფინანსთა სამინისტროს მიერ გამოცემული შესაბამისი მეთოდური მითითებებით.

საბიუჯეტო ციკლი შემდეგ ეტაპებს მოიცავს





ერთი საბიუჯეტო ციკლი 26 თვეს მოიცავს. მუნიციპალიტეტის პრიორიტეტის დოკუმენტის მომზადების მიზნით მუნიციპალიტეტის მერი ყოველი წლის პირველი მარტს გამოცემს შესაბამის ადმინისტრაციულ-სამართლებრივ აქტს, რომელშიც განსაზღვრულია პრიორიტეტების შედგენისთვის წარსადგენი ინფორმაციის ნუსხა და წარდგენის ვადები. არა უგვიანეს 5 ოქტომბრისა საქართველოს ფინანსთა სამინისტროს აცნობებს მუნიციპალიტეტის ორგანოებს სახელმწიფო ბიუჯეტის პროექტით შესაბამისი ბიუჯეტისათვის გადასახადებიდან მისაღები შემოსავლების საპროგნოზო მაჩვენებლებს, ავტონომიური რესპუბლიკის აღმასრულებელი ორგანო ავტონომიური რესპუბლიკის შემადგენლობაში შემავალი მუნიციპალიტეტის შესაბამის ორგანოებს არაუგვიანეს 5 ნოემბრისა აცნობებს ფინანსური დახმარების საპროგნოზო ოდენობებს.

მუნიციპალიტეტის მერი ვალდებულია 15 ნოემბრამდე საკრებულოს წარუდგინოს მომავალი წლის ბიუჯეტის პროექტი. საკრებულო განიხილავს და შენიშვნების და რეკომენდაციების შემთხვევაში პროექტს უბრუნებს მერს 25 ნოემბრამდე. შესწორებულ პროექტს მერი საკრებულოს უგზავნის 10 დეკემბრამდე. წლის ბოლომდე მტკიცდება ბიუჯეტი. მომდევნო წლის განმავლობაში ხდება ბიუჯეტის დაზუსტება და კვარტალური ანგარიშგება. საბიუჯეტო წლის დასრულების შემდეგ მერი უფლებამოსილია 2 თვის ვადაში საკრებულოს დასამტკიცებლად წარუდგინოს ბიუჯეტის შესრულების ანგარიში, მუნიციპალიტეტის საკრებულო საჯაროდ იხილავს ბიუჯეტის შესრულების წლიურ ანგარიშს და არაუგვიანეს 1 მაისისა იღებს გადაწყვეტილებას წლიური ანგარიშის დამტკიცების ან დაუმტკიცებლობის შესახებ.

ბიუჯეტზე პასუხისმგებლობა თვითმმართველობის აღმასრულებელ და წარმომადგენლობით ორგანოებს შორის შემდეგი სახით არის გადანაწილებული:



საიდან მოდის ფული ბიუჯეტში?

კანონმდებლობა არეგულირებს იმ გადასახდელების ჩამონათვალს რომლითაც ივსება ბიუჯეტი. გადასახადებს ბიუჯეტში იხდიან მოქალაქეები და ბიზნესი. ეს გადახდილი თანხები საბიუჯეტო კოდექსის შესაბამისად ნაწილდება სხვადასხვა დონის ბიუჯეტებში. მუნიციპალიტეტის ბიუჯეტში ირიცხება შემდეგი სახის შემოსავლები: დამატებული ღირებულების გადასახადი (დღგ), ქონების გადასახადი (გარდა მიწისა), მიწის გადასახადი, ბუნებრივი რესურსების მოსაკრებელი, დასუფთავების მოსაკრებელი, იჯარით გაცემული ქონებიდან შემოსული თანხები, სხვა ადგილობრივი მოსაკრებლები და გადასახდელები, ასევე ქონების გაყიდვიდან შემოსული სახსრები. ცენტრალური ხელისუფლება კაპიტალური პროექტებისთვის და დელეგირებული უფლებების განსახორციელებლად მუნიციპალიტეტს უნაწილებს გარკვეულ თანხებს, რასაც ეწოდება გრანტები. ასეთი გრანტები მუნიციპალიტეტში ძირითადად წლის განმავლობაში ირიცხება და შესაბამისად მუნიციპალიტეტი აზუსტებს თავდაპირველ ბიუჯეტს. როდესაც ხარჯები შემოსავალზე მეტია, მუნიციპალიტეტს უფლება აქვს აიღოს სესხი. ამ კუთხით მუნიციპალიტეტს ძირითადად საქართველოს ფინანსთა სამინისტრო ეხმარება.

ზემოთ აღნიშნული თანხების ბიუჯეტში მობილიზებაზე პასუხისმგებელია როგორც ცენტრალური ხელისუფლება ასევე ადგილობრივი - მუნიციპალიტეტის ხელისუფლება. კერძოდ, ცენტრალური ხელისუფლება (შემოსავლების სამსახური) უწევს ადმინისტრირებას შემდეგი სახის შემოსავლებს: დამატებული ღირებულების გადასახადიდან (დღგ), ქონების გადასახადი (გარდა მიწისა), მიწის გადასახადი, ბუნებრივი რესურსების მოსაკრებელი. ადგილობრივი ხელისუფლება - დასუფთავების მოსაკრებელს, იჯარით გაცემული ქონებიდან

მისაღებ თანხებს და სხვა ადგილობრივი მოსაკრებლებს და გადასახდელებს, ასევე ეს უკანასკნელი პასუხისმგებელია მუნიციპალური ქონების პრივატიზებისას თანხების მობილიზებაზე.


ცენტრალურ ხელისუფლება პასუხისმგებელია ასევე მუნიციპალიტეტისთვის გრანტის სახით თანხების გამოყოფაზე. ასეთი თანხები მუნიციპალიტეტის ბიუჯეტის მნიშვნელოვან ნაწილს წარმოადგენს და ძირითადად ხმარდება კაპიტალური პროექტების დაფინანსებას, სკოლის მოსწავლეების ტრანსპორტით უზრუნველყოფასა და საზოგადოებრივი ჯანდაცვის დაფინანსებას.

თვითმმართველი ერთეულის ძირითადი ფინანსური დოკუმენტები

მუნიციპალიტეტის ძირითადი ფინანსური დოკუმენტებია:



ადგილობრივი თვითმმართველი ერთეულის საბიუჯეტო კალენდარი



ქედის მუნიციპალიტეტის ძირითადი ფინანსური პარამეტრების საპროგნოზო მაჩვენებელი 2026 წლისთვის


შემოსულობები

ადგილობრივი თვითმმართველ ერთეულებს გააჩნიათ როგორც საკუთარი ფულადი სახსრები - საგადასახადო და არასაგადასახადო შემოსავლები, სახელმწიფო ან ავტონომიური რესპუბლიკის ბიუჯეტიდან) ბიუჯეტიდან ან სხვა დონორებისგან მიღებული ფინანსური რესურსები, ასევე შეუძლია ვალის აღება - ყველაფერი ეს ბიუჯეტის შემოსულობებს წარმოადგენს.

- ❖ **შემოსავლები:** გადასახადები (ქონების გადასახადი და დღგ-დან წილი), გრანტები და სხვა შემოსავლები (ქვემოთ დეტალურად იქნება განხილული სამივე სახის შემოსავალი);
- ❖ **არაფინანსური აქტივების კლება** - არის მუნიციპალიტეტის მიერ ქონების პრივატიზაციიდან მიღებული ფულად სახსრები.
- ❖ **ფინანსური აქტივების კლება** - არის ფულად სახსრები, რომელიც მუნიციპალიტეტის მიერ მის საკუთრებაში არსებული ფინანსური რესურსების (ვალუტა და დეპოზიტები, აქციები და სხვა კაპიტალი) გამოყენებიდან მიიღება.
- ❖ **ვალდებულებების ზრდა** - არის ფულადი სახსრები, რომელიც მუნიციპალიტეტს ვალის აღების შედეგად აქვს.

ქედის მუნიციპალიტეტის შემოსულობების საპროგნოზო მაჩვენებელი 2026 წლისთვის 33 000 000 ლარია, აქედან შემოსავლები 32 970 00 ლარია, ხოლო არაფინანსური აქტივების კლება 30 000 ლარი. აღსანიშნავია, რომ ეს მაჩვენებელი 2026 წლის განმავლობაში გაიზრდება, რადგან 2025 წელს დარჩენილი ნაშთისა და აჭარის ავტონომიური რესპუბლიკის რესპუბლიკური ბიუჯეტიდან გამოყოფილი ტრანსფერების ასახვა მოხდება ბიუჯეტში, ასევე შეიძლება გაიზარდოს სხვა შემოსავლები. დამტკიცებულ ბიუჯეტში განხორციელებულ ცვლილებებს კორექტირებული, ანუ დაზუსტებული ბიუჯეტი ეწოდება.

2026 წელს ქედის მუნიციპალიტეტის ბიუჯეტის შემოსავლები 32 970 000 ლარია. მთლიან შემოსავლებში თითოეული შემოსავლის ხვედრითი წილი შემდეგია:




2026 წელს საგადასახადო შემოსავლების პროგნოზი გადასახადების სახეების მიხედვით შემდეგია:

- დამატებული ღირებულების გადასახადის საპროგნოზო მაჩვენებელი განისაზღვრა 20 548,4 ათასი ლარით;
- ქონების გადასახადის საპროგნოზო მაჩვენებელი შეადგენს 700,0 ათას ლარს;



2026 წელს სხვა შემოსავლების პროგნოზი გადასახადების სახეების მიხედვით შემდეგია:

- შემოსავლები საკუთრებიდან განსაზღვრულია 145,0 ათასი ლარის ოდენობით;
- შემოსავლები საქონელისა და მომსახურების რეალიზაციიდან განსაზღვრულია 70,0 ათასი ლარის ოდენობით;
- შემოსავლები სანქციები, ჯარიმები და საურავებიდან განსაზღვრულია 40,0 ათასი ლარი;
- ტრანსფერები რომელიც სხვაგან არ არის კლასიფიცირებული განსაზღვრულია 155.360 ათასი ლარი;




გადასახდელები

ადგილობრივი ბიუჯეტიდან გასაცემი ფულადი სახსრების ერთობლიობა **ბიუჯეტის გადასახდელებს** წარმოადგენს. მუნიციპალიტეტის გადასახდელების 4 წყაროა:

- ❖ **ხარჯები:** ყოველწლიურად გასაწევი ხარჯები: მუნიციპალიტეტის თანამშრომელთა ხელფასები, საოფისე მასალებისა და ინვენტარის შეძენა, ა(ა)იპ-ების დაფინანსება, აღებული სესხის პროცენტის დაბრუნება, სოციალური უზრუნველყოფა;
- ❖ **არაფინანსური აქტივების ზრდა** - ქონების შეძენა, რეაბილიტაცია; კაპიტალური პროექტების განხორციელება; 500 ლარზე მეტი ღირებულების ტექნიკას ყიდვა;
- ❖ **ფინანსური აქტივების ზრდა** - როდესაც მუნიციპალიტეტი სესხს გასცემს, ან შპს-ს აფინანსებს, ან დეპოზიტზე დებს თანხას.
- ❖ **ვალდებულებების კლება** - მუნიციპალიტეტის მიერ აღებული ვალის ძირითადი თანხის დაფარვა.

ქედის მუნიციპალიტეტის 2026 წლის ბიუჯეტის საპროგნოზო მაჩვენებლით გადასახდელები 32 860 000 ლარია. 2026 წელს გაიზრდება არაფინანსური აქტივების ზრდა, ავტონომიური რეპუბლიკის ბიუჯეტიდან მიღებული ტრანსფერები ჩაირიცხება, რაც ინფრასტრუქტურული პროექტების განხორციელებას მოხმარდება.




როგორ იხარჯება ფული?

მუნიციპალიტეტის ბიუჯეტი იხარჯება სხვადასხვა საჭიროებისამებრ. ეს თანხა პირობითად იყოფა მიმდინარე და კაპიტალურ ხარჯებად. მიმდინარე ხარჯები მოიცავს საჯარო მოხელეების ხელფასებს, კომუნალურ გადასახადებს, მუნიციპალიტეტის ტერიტორიის დასუფთავებისა და მოვლა შენახვის ხარჯებს და სხვა. ხოლო კაპიტალური ხარჯები გზების, ხიდების, საბავშვო ბაღების და სხვა მუნიციპალური ობიექტების მშენებლობის, რეაბილიტაციისა და შეკეთების ხარჯებს. ასევე ბიუჯეტში განსაზღვრულია ნაკისრი ვალდებულებების (სესხის) დაფარვის ხარჯები. ხარჯების მიმართულებებს, თუ სად და როგორ უნდა მოხდეს თანხების ხარჯვა ამტკიცებს მუნიციპალიტეტის საკრებულო ხმათა უმრავლესობით. ბიუჯეტის აღსრულება კი ხდება მუნიციპალიტეტის აღმასრულებელი ხელისუფლების - მერიის მიერ.

ქედის მუნიციპალიტეტის პრიორიტეტები



2026 წელს პრიორიტეტული მიმართულებების დასაფინანსებლად ბიუჯეტში გათვალისწინებულია 33 000 000 ლარი. აღსანიშნავია, რომ პრიორიტეტულ მიმართულებებს შორის ასევე არის მმართველობა და საერთო დანიშნულების ხარჯები (მერიისა და საკრებულოს დაფინანსება, სარეზერვო ფონდი, მუნიციპალიტეტის თანადაფინანსებითი მონაწილეობა საგრანტო და ადგილობრივ პროექტებში, სასახო ვალდებულებების მომსახურება და დაფარვა, ადგილობრივ დონეზე ქალთა სოციალური-ეკონომიკური გაძლიერება/ხელშეწყობა, ქალთა მიმართ და ოჯახში ძალადობის მსხვერპლებისთვის მხარდამჭერი მუნიციპალური პროგრამა, ქალისა და მამაკაცის თანასწორობის პროგრამა)



ქვემოთ მოცემულია 2026-2029 წლებში პრიორიტეტული მიმართულებების დასაფინანსებლად გათვალისწინებული თანხები.

პროგრამული კოდი	პრიორიტეტი, პროგრამა, ქვეპროგრამა	2026 წლის პროექტი	2027 წლის პროექტი	2028 წლის პროექტი	2029 წლის პროექტი
02 00	ინფრასტრუქტურისა და მუნიციპალური კომუნალური სერვისების განვითარება	7 367 700	12 897 500	9 916 200	8 281 550
03 00	დასუფთავება და გარემოს დაცვა	1 895 000	3 011 888	2 921 497	3 111 706
04 00	განათლება	3 787 600	5 464 611	5 866 312	5 983 513
05 00	კულტურა, ახალგაზრდობა და სპორტი	9 005 400	8 101 885	9 279 984	10 494 421
06 00	ჯანმრთელობის დაცვა და სოციალური უზრუნველყოფა	4 031 600	3 967 000	4 335 000	4 649 700

პრიორიტეტი - ინფრასტრუქტურის განვითარება 02 00

პრიორიტეტის ფარგლებში გაგრძელდება საგზაო ინფრასტრუქტურის მშენებლობა რეაბილიტაცია, წყლის სისტემების, გარე განათების ქსელის განვითარება და მუნიციპალიტეტში სხვა აუცილებელი კეთილმოწყობის ღონისძიებების დაფინანსება. პრიორიტეტის ფარგლებში განხორციელდება როგორც ახალი ინფრასტრუქტურის მშენებლობა, ასევე, არსებული ინფრასტრუქტურის მოვლა-შენახვა და დაფინანსდება მის ექსპლოატაციასთან დაკავშირებული ხარჯები.

პროგრამული კოდი	პრიორიტეტი/პროგრამა	2026 წლის პროექტი	2027 წლის პროექტი	2028 წლის პროექტი	2029 წლის პროექტი
02 00	ინფრასტრუქტურისა და მუნიციპალური კომუნალური სერვისების განვითარება	7 373 000	13 103 498	10 118 147	8 528 111
02 01	საგზაო ინფრასტრუქტურის განვითარება	2 126 800	1 758 660	2 005 146	2 047 711

02 02	საბაზისო კომუნალური ინფრასტრუქტურის და სერვისების განვითარება	1 886 100	2 112 238	2 220 601	2 070 300
02 03	მუნიციპალიტეტის კეთილმოწყობის ღონისძიებები	1 840 000	7 800 000	4 350 000	2 700 000
02 04	მუნიციპალიტეტის განვითარების გეგმის საპროექტო-სახარჯთაღრიცხვო, სარეგისტრაციო, ზედამხედველობის და ექსპერტიზის ხარჯები	255 000	425 000	430 000	435 000
02 05	სოფლის მეურნეობის ხელშეწყობა	17 000	16 000	20 000	23 000
02 07	საცხოვრებელ და არასაცხოვრებელ შენობა-ნაგებობებში ელექტრო მეურნეობის აღდგენა	15 000	25 000	25 000	25 000
02 08	შპს ქედის ტურიზმის განვითარების ხელშეწყობის ცენტრი	603 100	966 600	1 067 400	1 227 100
02 10	მთა „ტბათში“ ელექტრო-გადამცემი ხაზის მოწყობა	630 000	0	0	0

მნიშვნელოვანია, რომ კლიმატის ცვლილებით გამოწვეული სტიქიური მოვლენების (ძლიერი ნალექები, ღვარცოფები, მეწყერები და სხვ.) სიხშირისა და ინტენსივობის ზრდამ მნიშვნელოვნად გაამწვავა ინფრასტრუქტურული ობიექტებისა და მოსახლეობის უსაფრთხოებისთვის არსებული საფრთხეები, რაც ასევე უარყოფითად აისახა მუნიციპალური სერვისების უწყვეტობაზე. ამ მდგომარეობამ კიდევ უფრო აუცილებელი გახადა პრევენციული ღონისძიებების დაგეგმვა და განხორციელება, რომლებიც მიმართულია კატასტროფების რისკების შემცირებასა და გარემოზე კლიმატური გავლენების ეფექტიან მართვაზე.

კატასტროფების რისკებით გამოწვეული საფრთხეების შემცირების მიზნით მუნიციპალიტეტის 2026-2029 წლების პრიორიტეტების დოკუმენტსა და 2026 წლის ბიუჯეტის პროექტის „ინფრასტრუქტურისა და მუნიციპალური კომუნალური სერვისების განვითარების“ პრიორიტეტის ფარგლებში გათვალისწინებულია პრევენციული ღონისძიებები შემდეგი პროგრამების ფარგლებში:

- ✓ პროგრამა - საგზაო ინფრასტრუქტურის განვითარება (02 01)
- ✓ პროგრამა - საბაზისო კომუნალური ინფრასტრუქტურის და სერვისების განვითარება (02 02)
- ✓ პროგრამა - მუნიციპალიტეტის კეთილმოწყობის ღონისძიებები (02 03)
- ✓ პროგრამა - მუნიციპალიტეტის განვითარების გეგმის საპროექტო-სახარჯთაღრიცხვო, სარეგისტრაციო, ზედამხედველობის და ექსპერტიზის ხარჯები (02 04)

აღნიშნული პროგრამების ფარგლებში გათვალისწინებული პრევენციული ღონისძიებების განხორციელება გულისხმობს:

- ინფრასტრუქტურული ობიექტების დაგეგმვას და მშენებლობას გეოლოგიური, ჰიდროლოგიური და კლიმატური რისკების გათვალისწინებით;
- წყლის დამრეგულირებელი, სადრენაჟე და დამცავი ნაგებობების მოწყობას სტიქიური მოვლენების ზემოქმედების შესამცირებლად;
- სოფლის გზების, ხიდების, წყალმომარაგებისა და წყალამომყვანი სისტემების კლიმატურ საფრთხეებზე გამძლეობის გაზრდას;
- გეოდინამიკური პროცესების (მეწყერი, ეროზია, ქვათა ჩამოშლა) მონიტორინგს და საჭირო გამაგრებით სამუშაოებს;
- პროექტირების, ზედამხედველობისა და ექსპერტიზის ეტაპებზე უსაფრთხოების, მდგრადობისა და რისკების შემცირების სტანდარტების ინტეგრირებას.

საგზაო ინფრასტრუქტურის განვითარების (პროგრამული კოდი 02 01) პროგრამის ბიუჯეტი ამ ეტაპზე 2 126 800 ლარია, გათვალისწინებულია მუნიციპალიტეტის ტერიტორიაზე არსებული საგზაო ინფრასტრუქტურის მოვლა-შენახვა, დაზიანებული გზებისა და საგზაო ნაგებობების (ხიდები, მილხიდები, გზების დამცავი კედლები და გაბიონები და სხვა) რეაბილიტაცია, რაც კატასტროფების რისკების პრევენციის ერთ-ერთ მთავარ საფუძველს წარმოადგენს. დაგეგმილი ინფრასტრუქტურული პროექტები მნიშვნელოვნად შეამცირებს ბუნებრივი საფრთხეებით გამოწვეული შესაძლო ზიანის ალბათობას. განსაკუთრებული ყურადღება დაეთმობა მოდინებული წყლების მართვის გაუმჯობესებას: დაიგეგმება და განხორციელდება კიუვეტების, ცხაურებისა და სანიაღვრე არხების მოწყობა/რეაბილიტაცია, რათა შემცირდეს გზების წყლით დატბორვისა და დაზიანების, მეწყრული პროცესების გააქტიურებისა და ჭარბნალექიანი ამინდების დროს ინფრასტრუქტურის დაზიანების რისკები. მოეწყობა ტროტუარები, პანდუსები და ბორდიურები, რაც უზრუნველყოფს გადაადგილების უსაფრთხოებას და შექმნის ქალებისა და მამაკაცებისთვის თანაბრად ხელმისაწვდომ მუნიციპალურ ინფრასტრუქტურას. საგზაო მოძრაობის უსაფრთხოების გაუმჯობესების მიზნით დაგეგმილია საგზაო ნიშნებისა და მონიშვნების, მათ შორის ფეხით მოსიარულეთა გადასასვლელებისა და სიჩქარის შემზღუდავი ელემენტების მოწყობა. აღნიშნული ღონისძიებები ხელს შეუწყობს როგორც ზოგად საგზაო უსაფრთხოებას, ისე კატასტროფების რისკების შემცირებას მუნიციპალიტეტის ტერიტორიაზე. ქვეპროგრამის ფარგლებში დაფინანსდება საზოგადოებრივი ტრანსპორტის მომსახურება, შ.პ.ს. ქედის ავტოსატრანსპორტო საწარმო.

საბაზისო კომუნალური ინფრასტრუქტურის და სერვისების განვითარების (პროგრამული კოდი 02 02) პროგრამის ბიუჯეტი 1 886 100 ლარია. დაგეგმილია წყლის სისტემების რეაბილიტაცია და ახლის მშენებლობა, არსებული სისტემების მოვლა-პატრონობა, მათ შორის საკანალიზაციო და სანიაღვრე სისტემების, რაც მნიშვნელოვანია კატასტროფების რისკების პრევენციისთვის, ხელს უწყობს ინფრასტრუქტურის მდგრადობასა და მოსახლეობის უსაფრთხო საცხოვრებელ გარემოს უზრუნველყოფას.

წყალმომარაგების სისტემის მოწყობისა და მოსახლეობისთვის სასმელი წყლის მიწოდების შედეგად გაუმჯობესდება საცხოვრებელი პირობები, რაც განსაკუთრებით მნიშვნელოვანია ქალებისათვის. სოფლად მცხოვრები ქალები მეტად არიან ჩართული შინამეურნეობის მართვაში. გამართული წყალმომარაგება ქალებს შეუძლებულებს საოჯახო საქმეებს და ნაკლებად მოუწევთ ფიზიკური შრომა (შორი მანძილიდან წყლის მოტანა,

ხელით რეცხვა და სხვა), ექნებათ სხვადასხვა საოჯახო ტექნიკის გამოყენების საშუალება, შესაბამისად, დაეზოგებათ დრო და შემცირდება აუნაზღაურებად შრომაში მათ ჩართულობის ხანგრძლივობა.

წყალმომარაგების სისტემის გაუმჯობესება ხელს შეუწყობს სკოლებისა და საბავშვო ბაღების სასმელი წყლით მომარაგებას, რაც შექმნის სანიტარულ პირობებს სააღმზრდელო და განათლების დაწესებულებებში როგორც გოგონებისა და ბიჭებისთვის, ასევე პედაგოგებისა და პერსონალისთვის.

კეთილმოწყობის ღონისძიებებისთვის (პროგრამული კოდი 02 03) გათვალისწინებულია 1 840 000 ლარი, პროგრამის ფარგლებში მოეწყობა სკვერების, პარკების და საზოგადოებრივი დანიშნულების ობიექტები, სადაც მაქსიმალურად იქნება გათვალისწინებული შეზღუდული შესაძლებლობის მქონე პირთა, საბავშვო ეტლით მოსარგებლეთა, ბავშვების, ქალების და კაცების საჭიროებები. დაფინანსდება ბინათმესაკუთრეთა ამხანაგობები, მოხდება ავარიული შენობების რეაბილიტაცია, დემონტაჟი. მოეწყობა ნაპირსამაგრიები, გაბიონების, ფერდსამაგრი და საყრდენი კედლები, მეწყერის შედეგად დაზიანებული შენობა-ნაგებობების რეაბილიტაცია და სხვა ინფრასტრუქტურული სამუშაოები.

მუნიციპალიტეტის განვითარების გეგმის საპროექტო-სახარჯთაღრიცხვო, სარეგისტრაციო, ზედამხედველობის და ექსპერტიზის ხარჯებისთვის (პროგრამული კოდი 02 04) 255 000 ლარია გათვალისწინებული. პროექტის ფარგლებში მოხდება მუნიციპალიტეტში დაგეგმილი სამშენებლო-სარეაბილიტაციო სამუშაოების ნორმებითა და წესების გათვალისწინებით განხორციელებისთვის შესაბამისი საპროექტო-სახარჯთაღრიცხვო დოკუმენტაციის მომზადება, ასევე სამშენებლო-სარეაბილიტაციო სამუშაოების ტექნიკური ზედამხედველობა და შესრულებულ სამუშაოებზე შესაბამისი ექსპერტიზის ჩატარება.

სოფლის მეურნეობის ხელშეწყობის (02 05 - ბიუჯეტი 17 000 ლარი) პროგრამა ითვალისწინებს მუნიციპალიტეტის მიერ ფერმერებისათვის ხელშეწყობას და მათ საერთაშორისო და აგო გაყიდვების გამოფენა-გაყიდვაში მონაწილეობას, ასევე პირუტყვთა ვაქცინაციას.

პრიორიტეტი - დასუფთავება და გარემოს დაცვა 03 00

პრიორიტეტის ფარგლებში დაგეგმილია მუნიციპალიტეტში არსებული რეკრეაციული ფართობების ინტენსიური ზრდა და არსებულის მოვლა-პატრონობა. ამასთან ერთად უსაფრთხო გარემო და სანიტარული მდგომარეობის ყოველწლიური გაუმჯობესება წარმოადგენს უმთავრეს პრიორიტეტს.

პროგრამის ფარგლებში დაგეგმილია საყოფაცხოვრებო, მყარი და დიდი ზომის ნარჩენების, ქუჩების მონახვეტის შეგროვება მუნიციპალიტეტის ტერიტორიაზე განთავსებულ ურნებში და ნაგავსაყრელ პოლიგონამდე ტრანსპორტირება; მუნიციპალიტეტის ტერიტორიიდან ნარჩენების გატანას მოემსახურება 2 ნაგავზიდი. სანაგვე კონტეინერების დეზინფექცია, მუნიციპალიტეტის ცალკეული ტერიტორიების, ქუჩების მორწყვა-მორეცხვა; მუნიციპალიტეტის ტერიტორიის თოვლის საფარისაგან გაწმენდა, მოყინვის საწინააღმდეგო სამუშაოების განხორციელება და საჭიროების შემთხვევაში თოვლის

მასის გატანა; გათვალისწინებულია გარე-განათების მოვლა პატრონობა, უპატრონო და მაწანწალა ცხოველების გაუვნებელოება, გზის გაწმენდა ჩამოწოლილი მეწყერის მასისაგან, გზის გაწმენდა თოვლის საფარისგან. საზოგადოებრივი საპირფარეშოების მოვლა-პატრონობა. მუნიციპალიტეტში სოფლებისათვის დამატებით კომუნალური მომსახურებისათვის კონტეინერების განთავსება დღემდე მომსახურების გარეშე დარჩენილი უბნებისათვის, რითაც მომსახურების სფეროში მოექცევა მუნიციპალიტეტის მთელი დასახლებული ტერიტორია.

პროგრამული კოდი	პრიორიტეტი, პროგრამა, ქვეპროგრამა	2026 წლის პროექტი	2027 წლის პროექტი	2028 წლის პროექტი	2029 წლის პროექტი
03 00	დასუფთავება და გარემოს დაცვა	1 957 700	3 014 770	2 924 667	3 115 194
03 01	სხვა არაკლასიფიცირებული საქმიანობა დასუფთავებისა და გარემოს დაცვის სფეროში	1 957 700	3 014 770	2 924 667	3 115 194
03 01 01	შპს ქედის კომუნალურსერვისი	1 957 700	3 014 770	2 924 667	3 115 194

პრიორიტეტი - განათლება 04 00

ქედის მუნიციპალიტეტის ერთ-ერთ ძირითად პრიორიტეტს სწორედ მუნიციპალიტეტში მცხოვრები საბავშვო ბაგა-ბაღის ასაკის ბავშვებისათვის სკოლამდელი აღზრდის დაწესებულებების ხელმისაწვდომობა წარმოადგენს. დღეის მდგომარეობით ქედის მუნიციპალიტეტის ტერიტორიაზე ფუნქციონირებს 15 სკოლამდელი აღზრდის დაწესებულება, სადაც სააღმზრდელო პროცესს გადის 490 და მეტი ბავშვი. (მათ შორის გოგო 50.8 %, ბიჭი 49.2%). ბაგა-ბაღებში ჯამში დასაქმებულია 255 აღმზრდელი (მათ შორის ქალი 88 % და კაცი 12 %), სხვა პერსონალი და ადმინისტრაცია.

პროგრამული კოდი	პრიორიტეტი, პროგრამა, ქვეპროგრამა	2026 წლის პროექტი	2027 წლის პროექტი	2028 წლის პროექტი	2029 წლის პროექტი
04 00	განათლება	3 794 000	5 463 820	5 854 502	5 855 452
04 01	სკოლამდელი აღზრდა და განათლება	3 724 000	4 918 820	5 304 502	5 300 452
04 02	სხვა არაკლასიფიცირებული საქმიანობა განათლების სფეროში	70 000	45 000	50 000	55 000

პრიორიტეტი - კულტურა, ახალგაზრდობა და სპორტი 05 00

მნიშვნელოვანია ხელი შეეწყოს კულტურული ტრადიციების დაცვას და ამ ტრადიციების ღირსეულ გაგრძელებას. ამასთანავე ერთ-ერთი პრიორიტეტია ახალგაზრდების მრავალმხრივი (როგორც სულიერი, ისე ფიზიკური თვალსაზრისით) განვითარების ხელშეწყობა და მათში ცხოვრების ჯანსაღი წესის დამკვიდრება.

პროგრამების ფარგლებში გათვალისწინებულია სპორტული და კულტურული ღონისძიებების ფინანსურ მხარდაჭერას, წარმატებული სპორტსმენების ხელშეწყობა და შესაბამისი პირობების შექმნა, რათა ნიჭიერმა ბავშვებმა და ახალგაზრდებმა შეძლონ მათი სპორტული შესაძლებლობების გამოვლინება, ასევე ახალგაზრდებში ცხოვრების ჯანსაღი წესის წახალისების მიზნით გასატარებელი ღონისძიებების ჩატარებას. დაფინანსდება სპორტული და სახელოვნებო კლუბები, ბიბლიოთეკა.

ამ მიმართულებით მუნიციპალიტეტში პროგრამები ხორციელდება როგორც მერიის განათლების, კულტურის, სპორტის, ტურიზმის, ახალგაზრდულ საკითხთა და ძეგლთა დაცვის სამსახური, ასევე კულტურის და სპორტის სფეროში შექმნილი ა(ა)იპ-ებისა და შ.პ.ს-ების მიერ.

პროგრამული კოდი	პრიორიტეტი, პროგრამა	2026 წლის პროექტი	2027 წლის პროექტი	2028 წლის პროექტი	2029 წლის პროექტი
05 00	კულტურა, ახალგაზრდობა და სპორტი	8 924 300	8 188 090	9 189 449	10 460 983
05 01	სპორტის განვითარების ხელშეწყობა	1 751 900	3 453 480	4 034 858	4 715 034
05 02	კულტურის განვითარების ხელშეწყობა	7 172 400	4 734 610	5 154 591	5 745 950

სპორტის განვითარების ხელშეწყობისთვის (პროგრამული კოდი 05 01) ბიუჯეტიდან 1751 900 ლარია გამოყოფილი. გათვალისწინებულია ქალისა და მამაკაცის თანასწორობის პრინციპებზე დაფუძნებული სპორტულ აქტივობების დაგეგმვა და განხორციელება, სპორტული წრეების საქმიანობაში გოგონებისა და ბიჭების განსხვავებული საჭიროებების გათვალისწინება, ქედის მუნიციპალიტეტში ბავშვთა და მოზარდთა მაქსიმალური რაოდენობის ჩაბმა სისტემატიურ სპორტულ-გამაჯანსაღებელ მოძრაობაში. სასპორტო სკოლის პროფილის შესაბამისად მათი მეთოდური აღზრდა და დაოსტატება. ცხოვრების ჯანსაღი წესის პროპაგანდა და მისი დამკვიდრება მოზარდ თაობაში, მასობრივი სპორტის განვითარება, პერსპექტიული სპორტსმენების მზადების წლიური საწვრთნელი პროცესის ორგანიზება. სხვადასხვა სახის სპორტული ღონისძიებების და აქტივობების ორგანიზება, მასში მონაწილე სპორტსმენებისა და ახალგაზრდების დაჯილდოება ფასიანი საჩუქრებით; ოლიმპიადის, მსოფლიოს, ევროპის და საქართველოს ოფიციალური ჩემპიონატების საპრიზო (I,II,III) ადგილებზე გასული, ქედის მუნიციპალიტეტის სახელით მოასპარეზე სპორტსმენებისა და მწრთვანელების წახალისება ფულადი

ჯილდოთი; ღვაწლმოსილი ვეტერანი სპორტსმენების (წარსულში ქედის მუნიციპალიტეტის სახელით მოასპარეზე წარმატებული ვეტერანი სპორტსმენი) დაჯილდოება ფულადი და ფასიანი საჩუქრებით; სხვადასხვა სპორტულ ღონისძიებებზე სპორტსმენებისა და მწვრთნელების ტრანსპორტირებაში დახმარება; საქართველოს სასკოლო სპორტული ოლიმპიადი და სპორტი ბარიერების გარეშე, ევროპის სპორტის კვირეული, რომლებშიც მონაწილეობას ღებულობენ ქედის მუნიციპალიტეტის საჯარო და საბაზო სკოლები.

05 01	სპორტის განვითარების ხელშეწყობა	1 752 100
05 01 01	ა.ა.ი.პ. ქედის სასპორტო სკოლა	870 000
05 01 02	სპორტული ღონისძიებების მხარდაჭერა	170 000
05 01 03	სპორტული კლუბების განვითარების მხარდაჭერა	711 800
05 01 03 02	შ.პ.ს. სარაგბო კლუბი ფირალები	168 100
05 01 03 03	ააიპ „ბავშვთა საფეხბურთო კლუბი ქედა“	543 700

კულტურის განვითარების ხელშეწყობა (პროგრამული კოდი 05 02) ტრადიციული და სახალხო დღესასწაულების ჩატარება, მთავრობის მიერ ოფიციალურად დადგენილი დღეების აღნიშვნა. კონცერტების გამოფენების, გასტროლების, სახელოვნებო პროექტების, თეატრალური წარმოდგენების, საერთაშორისო, რეგიონალური და ადგილობრივი ფესტივალების, იუბილარ, ღვაწლმოსილ კულტურის მუშაკებთან შეხვედრა, მადლობის სიგელების, საპატიო ტიტულების, ერთჯერადი ფულადი ჯილდოების გაცემა და სხვა ღონისძიებების ორგანიზებას/ორგანიზების ხელშეწყობას. კულტურის სფეროში დასაქმებული ადამიანების პროფესიული განვითარება/გადამზადება/(ტრენინგები, ვორქშოპები, სემინარები, მასტერკლასები) კულტურული ტურიზმის განვითარების ხელშეწყობა (მუნიციპალიტეტის ცნობადობის ამაღლება და პოპულარიზაცია, ქედის მუნიციპალიტეტის ტრადიციული სამხარეულოს გამოფენა-დეგუსტაცია, კულტურული ღონისძიებების მოწყობა-ჩატარება.) საერთაშორისო კულტურულ-ურთიერთობათა გაღრმავება, დამეგობრებულ ქვეყნებთან და მუნიციპალიტეტებთან თანამშრომლობა და ერთობლივი პროექტების განხორციელება, ჩვენი კულტურის წარმოჩენა და გამოცდილების გაზიარება.

05 02	კულტურის განვითარების ხელშეწყობა	7 172 400
05 02 01	ა.(ა).ი.პ ქედის კულტურის ცენტრი	2 196 100
05 02 02	ა.ა.ი.პ. ქედის სახელოვნებო სკოლა	408 000
05 02 03	ა.ა.ი.პ. ქედის ისტორიული მუზეუმი	253 300
05 02 04	კულტურული ღონისძიების ორგანიზება, მხარდაჭერა და ხელშეწყობა	110 000

05 02 05	ახალგაზრდობის განვითარების ხელშეწყობა	45 000
05 02 05 01	ინტელექტუალური და შემეცნებითი პროექტების მხარდაჭერა	45 000
05 02 06	კულტურის სახლების, კლუბებისა და ბიბლიოთეკების მშენებლობა-რეაბილიტაცია და ინვენტარით აღჭურვა	4 160 000
05 02 06 01	დაბა ქედის კულტურის სახლის რეაბილიტაცია	3 660 000
05 02 06 02	წონიარისის კულტურის სახლის რეაბილიტაცია	500 000

პრიორიტეტი - ჯანმრთელობის დაცვა და სოციალური უზრუნველყოფა 06 00

მოსახლეობის ჯანმრთელობის დაცვის ხელშეწყობა და მათი სოციალური დაცვა მუნიციპალიტეტის ერთ-ერთ მთავარ პრიორიტეტს წარმოადგენს. არსებული რესურსების ფარგლებში გაგრძელდება სოციალურად დაუცველი მოსახლეობის დახმარება და სხვადასხვა შეღავათებით უზრუნველყოფა. ასევე სახელმწიფო ბიუჯეტიდან გამოყოფილი მიზნობრივი ტრანსფერის ფარგლებში საზოგადოებრივი ჯანმრთელობის დაცვის მიზნით სხვადასხვა ღონისძიებების განხორციელება, რაც უზრუნველყოფს მუნიციპალიტეტის მოსახლეობის ჯანმრთელობის დაცვას.

პროგრამული კოდი	პრიორიტეტი, პროგრამა	2026 წლის პროექტი	2027 წლის პროექტი	2028 წლის პროექტი	2029 წლის პროექტი
06 00	ჯანმრთელობის დაცვა და სოციალური უზრუნველყოფა	4 031 600	3 967 000	4 335 000	4 649 700
06 01	ჯანმრთელობის დაცვა	1 311 200	1 160 000	1 255 000	1 377 700
06 02	სოციალური უზრუნველყოფა	2 720 400	2 807 000	3 080 000	3 272 000

ჯანმრთელობის დაცვა (პროგრამული კოდი 06 01) ითვალისწინებს ადგილობრივი ბიუჯეტიდან მუნიციპალიტეტის მოსახლეობის ჯანმრთელობის დაცვის მიზნით დაავადებების პრევენციისა და მკურნალობის ქვეპროგრამებისა და ღონისძიებების განხორციელებას.

06 01	ჯანმრთელობის დაცვა	842 586
06 01 01	სოფლის მოსახლეობის სამედიცინო მომსახურება	244 000
06 01 02	თემზე დაფუძნებული მობილური გუნდის მომსახურება მძიმე ფსიქიკური აშლილობის მქონე პირებისათვის	93 600

06 01 03	ოპერაციული მკურნალობის თანადაფინანსება	100 000
06 01 04	მოწყვლადი სოციალური ჯგუფების ბენეფიციართა მედიკამენტებით უზრუნველყოფა	500 000
06 01 05	ქრონიკული დაავადებების სამკურნალო სპეციფიკური მედიკამენტებით უზრუნველყოფა	12 400
06 01 06	შშმ პირთა პერსონალური ასისტენტის მომსახურების პროგრამა	361 200

სოციალური უზრუნველყოფა (პროგრამული კოდი 06 02). პროგრამის ფარგლებში არსებული 11 ქვეპროგრამით მოხდება მუნიციპალიტეტის ტერიტორიაზე მცხოვრები მძიმე სოციალური მდგომარეობაში მყოფი მოქალაქეების დახმარება. მოსახლეობის სხვადასხვა ფენების სოციალური დახმარებებით უზრუნველყოფა, შეზღუდული შესაძლებლობების მქონე პირების ხელშეწყობა და სხვა სოციალური ღონისძიებების განხორციელება.

პროგრამის ფარგლებში განხორციელდება:

06 02	სოციალური უზრუნველყოფა	2 720 400
06 02 01	სოციალურად დაუცველი ფენისათვის ყოველდღიური, ერთჯერადი უფასო კვებით უზრუნველყოფა	30 000
06 02 02	ვეტერანთა უკვდავყოფის, სარიტუალო მომსახურების, სადღესასწაულო დღეების ორგანიზება და დახმარება	126 200
06 02 03	ოთხ და მეტ შვილიან ბავშვთა ოჯახებზე (18 წლამდე ბავშვები) ერთჯერადი ფინანსური დახმარება	105 000
06 02 04	გაჭირვებულ ოჯახებში გარდაცვლილ პირთა დასაფლავებისთვის ერთჯერადი ფინანსური დახმარება	60 000
06 02 05	ჰემოდიალიზის პროგრამაში ჩართულ ბენეფიციართა მგზავრობის ხელშეწყობა	42 000
06 02 06	სამედიცინო და სოციალური რეაბილიტაციის პროგრამაში ჩართულ ბავშვთა აბილიტაცია/რეაბილიტაციის კურსებზე მგზავრობის ხელშეწყობა	60 000
06 02 07	მოვლის საჭიროების მქონე პირთათვის ფინანსური დახმარება	324 000
06 02 08	0-დან 18 წლამდე ასაკის ბავშვებზე სპეციალური სამკურნალო კვების პროდუქტების შესაძენად ფინანსური დახმარება	19 200
06 02 09	საქმიანობათა ცენტრი ქედამი უსაფრთხო გარემოსა და სიცოცხლის ხელშეწყობისათვის	30 000
06 02 10	სტიქიური მოვლენების შედეგად დაზარალებულ ოჯახებზე (ბინის ქირით უზრუნველყოფა) ფინანსური დახმარება	1 824 000
06 02 11	მარტოხელა მშობლის სტატუსის მქონე და მარჩენალდაკარგულ პირებზე ფინანსური დახმარება	100 000